

# Ынтымағы жарасқан ел еңсели!

1 МАМЫР,  
2025 ЖЫЛ,  
БЕЙСЕНБІ  
№47 (23 516)

# ОРТАЛЫҚ ҚАЗАҚСТАН



ОНЛАЙН ЖАЗЫЛУ

1931 жылдың  
4 қазанынан бастап шығады

Қ А Р А Ғ А Н Д Ы О Б Л Ы С Т Ы Қ Қ О Ғ А М Д Ы Қ - С А Я С И Г А З Е Т

[www.ortalyq.kz](http://www.ortalyq.kz)

[www.instagram.com/ortalyq.kz/](https://www.instagram.com/ortalyq.kz/)

[www.facebook.com/ortalyq.kz/](https://www.facebook.com/ortalyq.kz/)

[info@ortalyq.kz](mailto:info@ortalyq.kz)

Әділетті  
қоғамның тірегі



2-бет

Қарағайға қарап,  
тал өсер



6-бет

Есте сақталуы  
тиіс естеліктер



8-бет

## Құрметті қарағандылықтар!

Сіздерді Қазақстан халқының бірлігі күнімен – бейбітшілік, достық және келісім мерекесімен шын жүректен құттықтаймыз!

Бұл күн біздің еліміздің басты құндылықтары – елімізде тұратын әртүрлі этнос өкілдері арасындағы өзара құрмет, бірлік және татулықты насихаттайды. Бірлік пен келісім-қоғамымыздың берік іргесасы, бейбітшіліктің, тұрақтылық пен өркендеудің кепілі.

Қарағанды облысы этно-саралық татулықтың үлгісі іспетті. Мұнда ондаған жылдар бойына 100-ден астам этностың өкілдері достық пен өзара түсіністікте өмір сүріп келеді. Осы құндылықтарды сақтаудың арқасында біз сенімді түрде алға жылжып, еліміздің іргесін нығайтып, экономикамызды дамытып, Тәуелсіз Қазақстанның болашағын құрып жатырмыз.

Барлықтарыңызды осынау мерекеміз құттықтай отырып, мықты денсаулық, шаңырақтарыңызға бақ-береке тілейміз! Қазақстан халқының достығы нығая берсін!

**Ермағанбет БӨЛЕКПАЕВ,**  
Қарағанды облысының әкімі,  
**Нүркен ҚОБЖАНОВ,**  
Қарағанды облыстық мәслихатының төрағасы

• 1 МАМЫР – ҚАЗАҚСТАН ХАЛҚЫНЫҢ БІРЛІГІ КҮНІ

## Бейбіт өмір – биік тұғыр

Көктем табиғаттың жаңаруымен ғана емес, халықтардың жүрегіндегі үміттің жаңғыруымен де ерекше. Әр ұлттың салты, әр ұрпақтың арманы бір-ақ арнаға тоғысқанда, бейбіт өмірдің көгершіні көкке қанат қағады. Еліміздегі 1 мамыр – Қазақстан халқының бірлігі күні мерекесі – сол арнада тамырын тереңге жайған мәңгілік құндылықтың жарқын көрінісі. Бұл күні елімізде өмір сүріп жатқан 130-ға жуық түрлі этнос өкілдері бір ағаштың жапырағындай жайқалып, ортақ мүдде, ортақ мақсат үшін біте қайнасканын паш етеді.

**Жәлеп ШАЛҚАР,**  
«Ortalyq Qazaqstan»

Бірлік пен бейбітшілік – ұран ғана емес, ғасырдан-ғасырға, ұрпақтан-ұрпаққа, әкеден – балаға аманатталған ұлы мұрат, ұлт болмысының өміршеңдігінің кілті. Яғни, бірлік күні бізге түрлі этнос өкілдерінің өрнегімен тоқылған қазақы кең дастархан болып елестейді. Баяу соққан самалдай, аспан астын еңге бөлеген көктемнің бұл күнінде табиғаттың өзі үнсіз тіл қатып: «Тату болсаң – тірі боласың, тату болсаң – тұғырлы боласың» деп сыбырайтындай.

Қазақ даласының кең пейілі мен көгершінінің апақ қанатындай бейбіт ниеті сан этностың басын қосып, бір шаңырақ астында тағдырын тоғыстырды. Бала күлкісіне ұласқан ана тілдер, әке даналығындай ұйысқан баба дәстүрлері осы айтулы мерекенің астарында жатыр.

Бұл күні аспан көгінде шаңырақ



бейнесі іспеттес ақ бұлттар қалықтайды. Әрбір этнос бір уық, әрбір жүрек бір кереге секілді еліміздің ұлы шаңырағын көтеріп тұр. Бейбіт өмірдің нышаны көгершіндер көкке самғап, жүректер бір

әуенге, ынтымақ пен татулықтың сазына тербеледі. Ымыра-бірлік пен бейбітшілікті жер бетіндегі ең асыл гүл десек, артық айтқандық емес. Оны аялау керек. Аспан мен жер арасын жалғаған көне аңыздарда

ерте заманда адам баласы бір тілде сөйлеп, бір жүрек болып соғып, тату ғұмыр кешіпті деседі.

► 4-бет

• БІР ЖҮРЕК, БІР ТІЛЕК

## Табыстың тайқазанын қайнатқандар

**Аяулым СОВЕТ,**  
«Ortalyq Qazaqstan»

Мемлекет басшысы Қасым-Жомарт Тоқаев Қарағанды облысына сапармен келгенде «Бірлік, ынтымақ, толеранттылық, өзара құрмет, жанашырлық және әрқашан бір-бірімізге қол ұшын беруге дайын болу біздің дәстүріміз бен мәдениетіміздің негізінде жатыр. Біздің ұлттық болмысымызды қалыптастыратын бұл бірегей құндылықтарды жасанды идеологиялық құрылымдарға телу оңай емес. Бірақ, менің ойымша, бұған қажеттілік жоқ» деген болатын.

Қарағанды – өндірістің ошағы. Кәсіпорындарға мемлекет тарапынан көрсетіліп отырған қолдаулықты әрі өмір өзге ұлт өкілдерін жұмыспен қамтуға сүбелі үлес қосуда.



► 5-бет

## ОРТАЛЫҚ ҚАЗАҚСТАН ҚҰРМЕТТІ ОҚЫРМАН!

Облыстық «Ortalyq Qazaqstan» газетіне 2025 жылдың II жартыжылдығына жазылу басталды. Жазылуы «Қазпошта» АҚ пошта байланысының барлық бөлімшелерінде, редакцияда және Kaspi QR арқылы ресімдеуге болады

Санаттар	«Қазпошта» АҚ каталогы бойынша / ҚАЛА	
Кәсіпорындар мен ұйымдар	6 ай	10447,44 ТҒ
Жеке жазылушылар	6 айға	3386,60 ТҒ
Санаттар	«Қазпошта» АҚ каталогы бойынша / АУДАН / АУЫЛ	
Кәсіпорындар мен ұйымдар	6 айға	5882,60 ТҒ
Жеке жазылушылар	6 айға	3074,60 ТҒ

Анықтама телефоны:

☎ 41-26-85, 8-702-638-56-85,  
8-705-902-04-05.

✉ E-mail: [otdel.pochtovy@bk.ru](mailto:otdel.pochtovy@bk.ru)

Мекенжайымыз:  
Ермеков көшесі, 33 үй, 8-қабат

ВАЛЮТАЛАРДЫҢ РЕСМИ БАҒАМДАРЫ:

• EUR/KZT 582.92

• USD/KZT 512.32

• RUB/KZT 6.29

• CNY/KZT 70.45

Қазақстан Ұлттық Банкінің  
30 сәуір, 2025 жылғы дерегі бойынша